

tum constanti habitu obfirmant. Notatque adeo firmum animi propositum & alacritatem properantis ad mortem, ut ipsam potius à se fugientem aggredi atque laceffere maluerit. Et sanè obfirmatione opus erat, ac fortitudine, quando tam sponte properabat ad passionem. Sicut cervus exagitatus aquarum torrentes quærit, ut sitim exstinguat; Psalm. XLII. 2. Ita moriendi sitim Christus dilucidè satis expressit, quando *baptismate debes baptizari*, dixit, & *quomodo coarctor, usq; dum perficiatur*; quàm sollicitè anxius sum & precor pro salute mundi, ut brevi liberetur! Observatum præterea est, teste *Macrobio in Saturn. Lib. III. cap. 5.* à sacrificantibus, ut si hostia, quæ ad aras duceretur, fuisset vehementius reluctata, ostendissetque se invitam altaribus admoveri, amoveretur: quia invito Deo illam offerri putabant. Quod ipsum *Florus Hist. Rom. Lib. IV. c. 2.* testatur. Nunquam, inquit, imminentis ruinæ manifestiora prodigia fugâ victimarum &c. Unde placidum victimarum vultum videre gestiebant.

*Seneca in Oedipode: — — — hæc properè admove*

*Et sparge salsa colla taurorum mola.*

*Placidone vultu sacra & admota manus*

*Patiuntur?*

Ita quoq; malum portendere victima credebatur, quæ diros ederet mugitus. *Silius Italicus Lib. XVI.*

*Et simul exstructis cespes surrexerat aris,*

*Victimaq; admota stabat subjecta bipenni,*

*Cùm subito abruptis, fugiens altaria, taurus*

*Exiliit vinclis, mugituq; excita late*

*Implevit tecta: & fremitu suspiria rauco*

*Ingeminat.*

Operam ergo dabant, ut victima annuere videretur, *Plutarchus Sympos. Lib. VIII. cap. 8.* Ἀχαιὲ δὲ νῦν ἐπιφυλάττειν ἰαχρῶς, τὸ μὴ σφάττειν πρὶν ἄπνευσαι κατὰ πεινδόμενον. Id maximo opere observant, ne jugulent victimam, nisi immolata annuat. Ea re aquam hostiarum auribus infudisse videntur *Brissonio*, quo nimirum, annuentium in modum caput motitarent. Ita Afri quoque liberos immolantes suos diligenter caverunt, ne inviti offerre viderentur. Nam parentes infantibus blandiebant, ne lacrymantes immolarentur, ut ait *Tertullian.*

*Apolog.*